



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geistliche Hauß-Bibliotheck

Das ist/ Allerley heilsame Tractätlein zu sonderbarem Trost der
Lebendigen vnd Abgestorbenen

Lohner, Tobias

München, 1684

§. 3. Ein jnnerliche Zusprächung/ mit welcher der Herr Jesus tröstet ein
sündige Seel/ die Lust hat besser zuleben.

urn:nbn:de:bvb:12-bsb10786024-4

§. 3.

Ein innerliche Zusprechung/ mit welcher der H^{er} I^{esu}s tröstet ein sündige Seel/ die lust hat besser zu leben/ auß den Schrifften Johannes Lansfbergs/ vnnnd anderer genommen.

Ich lieb/ die mich lieben/ vnnnd mein lust ist hey den Menschen - Kindern : also hab ich die Welt geliebt/ daß ich mein Seel gab/ auff daß ein jeglicher/ der an mich glaubt/ nicht verlohren werd / sondern das ewig Leben hab. O Seel / O Tochter/ ich hab für dich gearbeitet/ Hunger/ Durst/ Verachtung/ / vnnnd Verfolgung gelitten/ ich bin verwundet worden vmb deiner Bosheiten willen / zerknirscht vmb deiner Laster willen/ gestorben vmb deiner Sünd willen/ auferstanden vmb deiner Gerechtigkeit willen/ solches alles zuthun vnnnd zuleyden hat mich angetrieben die Lieb/ mit der ich dich lieb/ vnd annimme für mein Kind ; besser dich derohalben/ vnnnd kehre wider zu mir/ wasche dich in dem Blut meiner Wunden/ vnnnd bekleide dich mit den Tugenden vnd Verdiensten meines Lebens/ diß alles mit einander geh ich gern/ ja als ein liebereicher Vatter biere ichs an/ ich lauff dir entgegen vmb dem Hals zu fallen/ ich nimb dich an zu küssen/ ich lade dich auff neu zu lieben/ bekehre dich mein Kind / vnd werde rein/ gib mir dein Herz/ dann neben dem begehre ich anders nichts von dir.

Laß

Laß dir leynd seyn/ daß du gesündiget/ daß du
 mich beleyndiget hast/ oder zum wenigsten laß dir
 leynd seyn/ weil du nicht empfindest/ daß dir leynd ist;
 dann offtermalen geschichet/ daß mir besser gefälle/
 vnd dem Menschen nützlicher ist/ wollen zerknirscht/
 oder andächtig seyn/ als in der That die Zerknir-
 schung oder Andacht empfinden/ dann wollen haben/
 vnd nicht haben/ das bringet dem Herzen Kum-
 mernuß/ darumb laß dir leynd seyn/ zürne wider dich
 selbst/ vnd halt dich für verdammblich/ daß du gesün-
 diget/ vnd daß dir nicht leynd ist/ wie dir solt seyn/ di-
 se Zerknirschung oder Reu/ ob sie schon nicht em-
 pfindlich ist/ das ist/ ob schon dein Herz vnderbesser
 hart/ dürr: vnd trucken ist/ so ist sie doch genug zur
 Seligkeit. Dann ich sehe euer Elend/ euer Schwach-
 heit/ vnd euer Armut an/ vnd ein guter Will solt
 keines wegs verzeihen/ wie grosse Truckenheit oder
 Kälte des Herzens er auch empfinde/ wann er wol-
 te daß er nicht gesündiget hätt/ vnd eingeschlossen ist/
 meinerwegen hinfüran nicht mehr züsündigen. Du
 sprichst aber: Ich hab vnzahlbar vil Sünd gethan/
 wie sol ich alle/ vnd jede bereuen/ du hast eines
 Trosts vonnöthen/ O Tochter: aber allein die War-
 heit tröset. Hast du vil/ so bereue vil/ vnd alle
 zugleich durch ein allgemeine Reu/ darinn du alle
 vnd jede besonder wollest eingeschlossen haben/ also
 daß kein Sünd sey/ welche du (ob sie dir schon besonder
 einfiel) wollest haben außgenommen/ darfür dir nie
 leynd seye/ vnd die du nie meiden vnd lassen wollest.
 Dann diese allgemeine Reu erstreckt sich auff alle
 vnd jede Sünd besonders/ auch auff die/ daran du
 nicht

nicht gedencdest / dann ich fordere das nicht von dir /
 daß du alle vnd jede Sünd absonderlich nothwen-
 dig berewest / nach der Zahl vnd Arch der Sünd /
 dann also hab ich von Maria Magdalena gesagt :
 Ihr werden vergeben vil Sünd / den sie hat vil ge-
 liebt. Ich hab nicht gesagt / den sie hat vilmal ge-
 liebt / so hat auch die Magdalena selbst in einer so
 vrpösllichen Buß anderst nicht können New vnd
 leynd haben / als von allen zugleich. Also hab auch
 du New vnd leynd / von allen zugleich / daß kein
 Sünd sey / daran du ein gefallen habest / es seye
 gleich daß sie dir in gemain : oder besonder einfalle.
 Betrüb dich nicht vnordentlich / vnd laß nicht zu
 dergleichen Einbildung / vnd Gedancken / also ob
 ich zornig seye / also / daß ich nicht wolt versöhnt
 werden / nicht wolt verzeihen / nicht wolt dich zu
 Gnaden auffnehmen.

Dann diß seynd Eingebungen des Teuffels /
 mit denen er dich sucht in Verzweiflung zubringen.
 Dessen Brauch ist anfänglich / wann er anreizt zum
 sündigen / mein Gedächtnus auß dem Herzen reis-
 sen / den Sündern mein Barmhertzigkeit verspre-
 chen / die Sicherheit / Rünheit / vnd Harmecig-
 keit des gottlosen Willens bestärken / darnach aber
 wann er merckt / daß die Sünder von ihm wollen ab-
 fallen / wann er sie mit keinen andern Versuchun-
 gen kan zum Fahl bringen / so greiff er die forchtsa-
 men Seelen mit der Versuchung der Verzweiflung
 an / er beredt sie man sol nicht beichten / er plaszt ihnen
 ein / die böse Gewonheiten können nicht überwun-
 den werden / er erschrockt sie mit der Grösse der be-
 gange.

gangenen Sünd/ vnd gibst fälschlich vor/ ich wol die
Sünd nicht verzeihen/ du / O mein Tochter /
glaub es nicht/ du empfindest/ was du woldest/ ver-
willige nicht in die Verzeihung/ genug ist die Reu
vnd Leyd (ob du schon ein truckenes Herz hast /)
wann dir leyd ist/ daß ich verlegt bin/ wann du wün-
schest/ daß du mich nicht verlegt hättest/ vnd dir für-
nimbest/ du woldest fort an nicht mehr sündigen.
Ists nun/ daß du auff ein neues einfalst/ so stehe
widerumb auff/ vnd nimb dir abermal für/ nicht
mehr zu fallen: Falst du zum dritten mal/ so stehe
zum drittenmal wider auff: falst du das vierde/ das
fünffte/ vnd endlich sieben: vnd siebenzimal alle Tag/
befehre dich so oft wider zu mir/ vnd ich will dich an-
nehmen. Ist es nicht besser/ daß ich dich widerumb
annehme/ als daß ich dich verliehre/ vnd zugleich
verliehre all mein Mühe vnd Arbeit/ vnd all mein
Peyn/ die ich hab außgestanden dich zuerlösen: laß
dich derowegen O Tochter/ die du mit meinem Blut
erkaufft bist/ nichts von mir abwenden/ nichts abhal-
ten/ wann du dich schon dem Teufel ergeben/ wann
du mich hundertmal verläugnest/ wann du mich vnd
mein Bildnis mit Füßen getreten / wann du sie
versphey/ wann du schon mein Sacrament gelästert
hast/ laß dir leyd seyn/ daß du es gethan/ so verzei-
he ich dir die Sünd. Kein Sünd soll so groß seyn in
deinen Augen/ daß sie dir die Hoffnung der Ver-
zeihung benehme: noch so vilfältig oder vnzalbahr /
daß sie mein Barmhertzigkeit übertreffen möge/ bey
mir ligt nichts daran/ ob ich dich von vil: oder von
wenigen Sünden erledige/ der groß vnd kleine Sün-
der

der bedürffen zugleich meiner Barmhertzigkeit/ die
 vnerschöpflich ist/ die Jedermäniglich flüßet/ vnnnd
 dannoch überflüssig ist; dein Bosheit kan mein
 Barmhertzigkeit nicht überwinden. Je mehr
 Sünd daß du hast/ je mehr vnd lieber verzeihe ich
 dir/ wann du Buß thust/ dann vmb sovil desto mehr
 erscheint mein Ehr/ je grösser der Sünder ist/ dem
 ich Barmhertzigkeit mittheile. Ich bin nicht hart/
 ich bin nicht karg/ O Tochter/ sonder ganz gütig:
 vnd freygebig gegen dir. Ich hab darumb nicht de-
 sto weniger/ wann du alle Sünd der gangen Welt
 allein gethan hättest/ vnd ich dir sie alle verzeihe. Ist
 villeicht ein anders/ daß dich erschrocket / weil du
 mit den Sünden beladen/ auch must tragen die jeni-
 gen/ welche du schon vorlängst williglich begangen
 hättest/ verfolgedich der Feind/ vnd über seine Heß-
 lichkeit mit dir / alles was du leydest/ wider deinen
 willen/ mein Tochter/ daß wird dich nicht verdam-
 men / noch berauben meiner Gnaden/ dann die
 Sünd muß dermassen freywillig seyn/ daß/ wann
 sie nicht freywillig ist/ sie auch kein Sünd ist/ ent-
 zehre derowegen deinen willen von dem bewilligen /
 vnd laß darnach das Fleisch vnd den Teufel wüt-
 ten: fürchte dich auch vor den Träumen nicht/ alles
 was du darin thust/ alles was du schlaffend leydest/
 wann es dir vor: vnd nach dem Schlaff (da du
 bey Vernunft bist) mißfällt/ daß wird dir keines
 wegs verwisen/ oder zugeniesen werden/ vnd ob es du
 schon durch den vorigen Ubel geführten Handel vnd
 Wandel dir hast Ursach darzu geben/ so wirst du
 dich jekunder/ weil du über besagten Handel/ vnnnd

Wann

Wandel wahre Reu vnd Leyd getragen/ vnnnd dich
nun mehr beleihest besser zu leben / nicht schuldig
seyn an dem/ was du ledest/ wann allein der Will
nicht daren verwilliget. Ist nun daß der Teufel
vnderweilen auch lästerungen oder verfluchte Gedan
cken/ wider mich vnnnd meine Heiligen in dein Herz
gespyhen sey/ darumb nicht betrübe/ oder zu sehr klein
mütig/ dann so lang du fürsätlich nicht daren ver
willigest/ so ledest du solches mehr/ also daß du es
hufft.

Vnd weil es dich allmehre bekümmert/ vnd ängstli
get/ als erfreuet/ so hast du dich keines wegs darvor
zugefahren/ oder selbiges dem Priester zubeichten.
Ich laß dich aber solches leyden/ vnnnd dir verdrüß
lich seyn/ auff daß du hierdurch gereiniget/ nicht aber
daß du verunreiniget oder besieckt werdest. Darumb
aber erweckt der Teufel dergleichen Ding/ damit/
wann du dich bemühest/ ihnen Widerstand zuthun/
du auff vnd abgehalten werdest von den Geschmäck
ren meiner Lieb/ vnnnd vor vnmaßigen Schrecken
dich nicht vnderstehen dürffest/ zu mir zu machen /
dann sein Freud ist/ wann du mit Scruplen vnnnd
Schrecken verwirret wirst/ du aber/ O Tochter /
fürchte solche ding nicht/ achte ihrer nicht/ antwor
te ihnen nicht/ widerse dich ihnen nicht/ merck nit
auff; sonder gleichals wann du nichts gemerckt hät
test/ fahre vilmehr vnerschrocken fort in deinen Abun
gen / gehe dergleichen Einfall vorbei / vnnnd
verachte sie gleich als das Pellen der Hund/ oder
das Pfeiffen der Gans/ dann so du dich ihnen wi
derlegen/ mit ihnen zanken/ sie fürchten vnnnd erleit

W ij

kerf

tern wilt/ so wirst du sie je länger/ je mehr in dein Gedächtnus trucken/ vnd dich in ein grosse Verwürrung oder Verribnus stecken.

Ein bußfertige Seel/ demnach sie einige Erkandtnus/ vnd Geschmact meiner Güte bekommen/ in dem sie erwegt/ daß ich so gütig/ so barmherzig bin/ daß ich endlich so gar nicht verweise/ vnd zurechne die Sünd; daß ich den Büßenden auch/ gleich wie dem jenigen/ der niehmalen gesündigt hat/ in mein Gnad vnd Freundschaft an: vnnnd aufnehme/ tröste/ vnd ihm meine Gaaßen mittheile: diß/ sprich ich/ in dem ein bußfertige Seel erwegt/ so überkombe sie auß ihrem Fall Ursach/ einer größern Innbrunst vnd Danckbarkeit gegen mir/ vnd eines größern Hasses vnd Unwillens wider sich selbst/ zürnet wider sich selbst/ vnnnd verflucht sich/ daß sie mich ihren so gütigen GOTT verachtet hat; der ich/ da ich mit guter Flegel verdammen/ vnd verderben könnte/ verschone/ tröste/ vnd Guts thue/ vnd darumb/ wie barmherziger sie mich gegen ihr empfindet/ je heftiger wird sie von dem Eyser der Barmherzigkeit bewegt/ wider sich selbst/ vnd will gleichsamb an ihr selber rechen die Verachtung meiner/ daher geschichis/ daß sie nicht allein Verzeihung der Sünd vnd Versöhnung begehret/ sonder zu Ehren meiner Gerechtigkeit auch verlangt zuleyden/ gedemüthiget/ vnnnd gestrafft zu werden/ darumb daß sie sich vngottsförchtiglich wider mich auffgelaint hat/ darauß ihr dann erfolgt/ daß/ je mehr sie vermercket/ daß sie von mir getröstet wird/ je mehr sie sich entfset ob ihrer Häßlichkeit/

keit / dieselbig verflucht / vnd Rew vnd Leyd über
den Grewel ihrer Sünd hat / sie wird auch vnwürsch /
vnd verwundert sich / daß sie so vndanckbar kan seyn
gegen mir. Einer solchen Seel / die dergleichen
Eysen erreiche / daß sie nicht weniger an ihr liebe
mein Gerechtigkeit / als mein Barmhertzigkeit /
verschwinden die Sünd / gleichwie zuverschwinden
pfllegt ein Tröpflein Wassers in einem fewrigem
Ofen / oder glühenden Eysen: Kan also vnder allen
Gattungen der Buß kein bessere seyn / als daß einer
stets betrachte / mein überschwenckliche Lieb vnd
Trew gegen ihm / vnd hergegen sein Unrew / Un-
danckbarkeit vnd Bosheit gegen mir. Bloisus in
consol. pulill.

§. 4.

Warumben die Mängel von Gott zugelassen werden.

Die H. Jungfrau Gertraud schalte / vnd
straffe sich einstens sehr wegen eines gerin-
gen Mangels / sie verlangte / vnd begehrte
vom HERN / daß er ihn gänglich an ihr verbes-
sere / vnd von ihr hinweg nehmen wolte; Darauff
der gütige HERN antwortet ihr freundlich: vnd wa-
rumb woltest du / daß ich einer grossen Ehr beraube
wurde / vnd du einer grossen Belohnung ohn wä-
rest / dann du erobest ein sehr grosse Belohnung /
als oft du disen: oder dergleichen Mangel erken-
nest / vnd dir fürnimbst denselben zuvermenden;

B iij

vnd